

掌
中
宇
宙

中宇宙卷之六

山東兗州府推官汝陰盧翰輯

潁州通兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

建極篇下

君道部

帝堯二十行

黃收純衣彤車白馬茅茨不剪樸桷不斲素題不枿

大駭不畫越席不緣大羹不和粱食不殺藜藿之羹
飯於土簋飲於土斚金銀珠玉不飾錦繡文綺不展
奇恠異物不視玩好之器不寶淫佚之樂不聽宮垣
室屋不堊布衣掩形鹿裘禦寒

帝舜三化

歷山農者侵畔舜往耕耨年而耕耨者讓畔河濱漁者
爭坵舜往漁耨年而漁者讓長東夷之陶有苦窳舜
歷陶期年而器以牢

禹乘四載

禹沐浴雨櫛櫛風致力於溝洫陸行乘車水行乘船
泥行乘橈山行乘橐

成湯六事自責

時大旱成湯禱于桑林以六事自責曰政不節歟民
失職歟宮室崇歟文謁盛歟苞苴行歟讒夫昌歟言
未已大雨至

成湯去三面網

湯出見張四面網者祝曰從天墜者從地出者四方
來者皆罹吾網湯解其三面更祝曰欲左者左欲右

者右欵高者高欵下者下不用命者乃入吾網漢南
諸侯聞之曰湯德至矣及禽獸歸之者四十餘國

文王五大仁

童牛不服童馬不馳土不失宜萬物不失性天下不
失時五者是謂大仁

武王六命

命召公釋箕子之囚賜貝千朋命畢公釋百姓之囚
歸璇臺之珠玉命南宮括散鹿臺之財發鉅橋之粟
以賑貧民命南宮伯達史佚遷九鼎於洛邑命閼天

封比干之墓命宗祝饗祠于軍

成王四主

聖王在上天下無軍兵之事故諸侯不私相攻而民不私相鬪則民得一生矣君積於德化而民積于用力故婦人為其所衣丈夫為其所食則民無饑餓得二生矣君積於仁吏積於愛民積於順則刑罰清而無夭閼之誅則民得三生矣使人有時而用之有節則民無厲疾得四生矣

漢高帝德瑞有四

呂公望形而薦女呂后見雲知其處白蛇分神武哭
西入關五星聚

文帝五儉德

身衣弋綈足履絺舄以絺帶劔莞蒲為席集上書囊
為殿帷

光武三大政

首以卓茂為太傅而當時多循吏起太學親師禮之
而東都盛儒學徵三處士而未造多節義之士

光武四盛德

一敦睦九族有唐虞之稱一高尚純朴有羲皇之素
一謙虛納下有吐握之勞一留心庶事有日昃之勤

太宗三鑑

以銅為鑑可正衣冠以古為鑑可知興替以人為鑑
可明得失

太宗三行

一鑑前代以為元龜二進善人共成政道三斥遠群
小不受讒言

宋祖君道八

其重儒術也數幸國子監親贊孔顏謂須用讀書人
為宰相而武臣亦欲令讀書其取士也復拔萃之科
嚴覆試之法其制兵也置刺員以處退兵親臨講武
殿以閱習其理財也置封樁庫收市舶利禁羨餘之
獻其愛民也臨御之初遣使諸州賑貸分詣城南賜
饑民粥曹州饑運京師米以賑之其勸農桑也詔長
英勸課其恤刑獄也定大辟覆奏之法以暑氣命諸
州獄吏洒掃洗滌至於抑奢侈廢媚川郡碎七寶器
戒公主勿飾繡翠嘗出麻縷布裳賜左右曰此我

所服用也若人之道真偉然矣

宋朝八法

呂大防曰自古人主事母后進見有時祖宗以來事母后皆朝夕見此事親之法也前代太長公主用臣妾禮仁宗以姪事姑此事長之法也前代宮闈多不肅本朝宮禁嚴密此治內之法也前代外戚多預政事本朝母后之族皆不預事此持外戚之法也前代宮室尚華侈本朝宮殿止用赤白此尚儉之法也前代人君雖在宮禁出與入輦祖宗皆步自內庭出御

後殿此勸身之法也燕居必以禮此尚禮之法也前
代多深於用刑惟本朝臣下有罪止於罷黜此寬仁
之法也此皆祖宗家法所以治太平者不須遠法前
代也

國朝

太祖皇帝精誠錄之目有三

一曰敬天二曰忠君三曰孝親本之能擇之精積之
無妄之戒予以諭臣民便省覽

成祖皇帝君道之大有四

欽崇天道永保天命所畏者惟天監于成憲其永無
愆常法者在祖三德有家六德有邦用人要法庶土
交征三壤咸則理財令典

憲宗皇帝歷代君鑑之義有二

歷代君鑑備載帝王行事之實古今治亂之跡盡君
道而可為後世之法失君道而足為來世之戒

治法部

禹貢五服

五百里甸服百里賦納總二百里納鉅三百里納秸

服四百里粟五百里米此分甸服五百里而為五等者也五百里侯服百里采二百里男邦三百里諸侯此分侯服五百里而為三等也五百里綏服三百里揆文教二百里奮武衛此分綏服五百里而為二等也五百里要服三千里夷二百里蔡此分要服五百里而為二等也五百里蠻二百里流此分荒服五百里而為二等也

八政

一曰食二曰貨三曰祀四曰司空五曰司徒六曰司

冠七曰賓八曰師

六卿

冢宰掌邦治統百官均四海司徒掌邦教敷五典摯
兆民宗伯掌邦禮治神人和上下司馬掌邦政統六
師平邦國司寇掌邦禁詰姦慝刑暴亂司空掌邦土
居四民時地利六卿分職各率其屬以倡九牧阜成
兆民

天官六典

太宰之職掌建邦之六典以佐王治邦國一曰治典

以經邦國以治官府以紀萬民二曰教典以安邦國
以教官府以擾萬民三曰禮典以和邦國以統百官
以諧萬民四曰政典平邦國以正百官以均萬民五
曰刑典以詰邦國以刑百官以糾萬民六曰事典以
富邦國以任百官以生萬民此蓋統六卿之職也

八 灋

一曰官屬以舉邦治二曰官職以辨邦治三曰官聯
以會邦治四曰官常以聽邦治五曰官成以經邦治
六曰官灋以正邦治七曰官刑以糾邦治八曰官計

以弊邦治

八則

一曰祭祀以馭其神二曰灋則以馭其官三曰廢置以馭其吏四曰祿位以馭其士五曰賦貢以馭其用六曰禮俗以馭其民七曰刑賞以馭其威八曰田役以馭其衆

八柄

一曰爵以馭其貴二曰祿以馭其富三曰廢以馭其罪四曰置以馭其行五曰誅以馭其過六曰生以馭其

其福七曰予以馭其幸八曰奪以馭其貧

八統

一曰親親二曰敬故三曰進賢四曰使能五曰保庸
六曰尊貴七曰達吏八曰禮賓

九職

一曰三農生九穀二曰園圃毓草木三曰虞衡作山
澤之材四曰藪牧養蕃鳥獸五曰百工飭化八材六
曰商賈阜通貨賄七曰嬪婦化治絲枲八曰臣妾聚
斂䟽材九曰閒民無常職轉移執事

九賦

一曰邦中之賦二曰四郊之賦三曰邦甸之賦四曰
家稍之賦五曰邦縣之賦六曰邦都之賦七曰關市
之賦八曰山澤之賦九曰幣餘之賦

九式

一曰祭祀之式二曰賓客之式三曰喪荒之式四曰
羞服之式五曰工事之式六曰幣帛之式七曰芻秣
之式八曰匪頒之式九曰好用之式

九貢

一曰祀貢二曰殯貢三曰器貢四曰幣貢五曰材貢
六曰貨貢七曰服貢八曰旂貢九曰物貢

九兩

一曰收以地得民二曰長以貴得民三曰師以賢得
民四曰儒以道得民五曰宗以族得民六曰王以利
得民七曰吏以治得民八曰友以任得民九曰教以
富得民

八威

一曰聽政後以比居二曰聽師田以簡稽三曰聽閭

里以版圖四曰聽稱責以傳別五曰聽祿位以禮命
六曰聽取予以書契七曰聽賣買以質劑八曰聽出
入以要會

六計

一曰廉善二曰廉能三曰廉敬四曰廉正五曰廉灋
六曰廉辨

八職

一曰正掌官法以法要二曰師掌官成以治凡三曰
司掌官法以治目四曰旅掌官常以治數五曰府掌

官契以治藏六曰史掌官書以贊治七曰胥掌官叙以治叙八曰徒掌官令以徵令前四者皆王臣後四者庶人之在官者職尊則所畏者大而畧職卑則所掌者小而詳大要在夫稱職者也

內史掌王八枋之法

枋音柄

一曰爵二曰祿三曰廢四曰置五曰殺六曰生七曰予八曰奪

司勲掌六卿賞地之法

王功曰勲國功曰功民功曰庸事功曰勞治功曰力

戰功曰多凡有功者銘書於王之太常祭於大烝

大卜掌三兆之法

一曰玉兆二曰瓦兆三曰原兆

卜師掌三龜之法

一曰方兆二曰功兆三曰義兆四曰比兆

大司寇掌三三之法

占三寤掌其歲時觀天地之會辨陰陽之氣以日月星

辰占六寤之吉凶一曰正寤二曰噩寤三曰思寤四

曰寤寤五曰喜寤六曰懼寤

眠設掌十軍之法

一曰禋二曰象三曰鉶四曰監五曰闇六曰瞢七曰
彌八曰序九曰隣十曰想

酒正辨五齊之名

一曰泛齊二曰醴齊三曰盎齊四曰緹齊五曰沉齊

辨三酒之物

一曰事酒二曰昔酒三曰清酒

辨六飲之物

一曰水二曰漿三曰醴四曰涼五曰醫六曰醕

十有二教

一曰以祀禮教敬則民不苟二曰以陽禮教讓則民
不爭三曰以陰禮教親則民不怨四曰以樂禮教和
則民不乖五曰以儀辨等則民不越六曰以俗教安
則民不偷七曰以刑教中則民不競八曰以誓教恤
則民不怠九曰以度教節則民知足十曰以世事教
能則民不失職十有一曰以賢制爵則民慎德十有
二曰以庸制祿則民興功

保息六養萬民

一曰慈幼二曰養老三曰振窮四曰恤貧五曰寬疾
六曰安富

本俗六安萬民

一曰嫖宮室二曰族墳墓三曰聯兄弟四曰聯師儒
五曰聯朋友六曰同衣服

鄉三物教萬民

一曰六德知仁聖義中和二曰六行孝友睦婣任恤
三曰六藝禮樂射御書數

鄉八刑糾萬民

一曰不孝之刑二曰不睦之刑三曰不嫺之刑四曰
不弟之刑五曰不任之刑六曰不恤之刑七曰造言
之刑八曰亂民之刑

鄉大夫以五物詢衆庶

一曰和二曰容三曰主皮四曰和容五曰興舞

以九儀之命正邦國之倖

一命受職再命受服三命受位四命受器五命賜則
六命賜官七命賜國八命作牧九命作伯

以王作采瑞以等邦國

王執鎮圭公執桓圭侯執信圭伯執躬圭子執穀璧男執蒲璧

以玉作六器以禮天地四方

以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方皆有牲幣各放其器之色

小行人六節

山國用虎節土國用人節澤國用龍節皆以金為之道路用旌節門關用符節都鄙用管節皆以竹為之

王之五路

一曰玉路錫樊纓十有再就建大常十有二旂以祀
金路鉤樊纓九就建大旆以賓同姓以封象路朱樊
纓七就建大赤以朝異姓以封革路龍勒條纓五就
建大白以即戎以封四衛木路前樊鵠纓建大麾以
田以封蕃國

王之喪車五乘

木車不漆者始遭喪乘之素車重以白土卒哭乘之
藻車重以蒼土既練乘之駢車邊側有漆大祥乘之

漆車黑漆既禪乘之

服車五乘

孤乘夏篆卿乘夏縵大夫乘墨車士乘棧車庶人乘役車

司常掌九旗

司常掌九旗之物名各有屬以待國事日月為常交龍為旂通帛為旛雜帛為物熊虎為旗鳥隼為旟蛇為旐全羽為旖析羽為旌及國之大閭贊司馬旗物王建大常諸侯建旂孤卿建旛大夫士建物

都建旗州里建旗縣都建旒道車載旒旒車載旌

太祝掌六祝

太祝掌六祝之辭以事鬼神示祈福祥求永貞一曰
頌祝二曰年祝三曰吉祝四曰化祝五曰瑞祝六曰
筴祝

掌六祈

一曰類二曰造三曰禋四曰禴五曰攻六曰說

辨九摻

一稽首二頓首三空首四振動五吉拜六凶拜七奇

拜八袞拜九肅拜

辨六號

一曰神號二曰鬼號三曰示號四曰牲號五曰盭號
六曰幣號

辨九祭

一曰命祭二曰衍祭三曰炮祭四曰周祭五曰振祭
六曰儒祭七曰絕祭八曰繚祭九曰共祭

司馬掌邦政統六師平邦國

凡制軍萬有二千五百人為軍王六軍大國三軍

國二軍小國一軍軍將皆命卿二千有五百人為師
師帥皆中大夫五百人為旅旅帥皆下大夫百人為
卒卒長皆上士二十五人為兩兩司馬皆中士五人
為伍伍皆有長一軍則二府六史胥十人徒百人

掌建邦國之九法

制畿封國以正邦國設儀辨位以等邦國進賢興功
以作邦國建牧立監以維邦國制軍詰禁以糾邦國
施貢分職以任邦國簡稽卿民以用邦國均守平則
以安邦國比小事大以和邦國

以九伐之法正邦國

馮弱犯寡則膏之賊賢害民則伐之暴內陵外則墮之野荒民散則削之負固不服則侵之賊殺其親則正之放弑其君則殘之犯令陵政則杜之外內亂鳥獸行則滅之

天子有十二閑馬六種

六廐成校校有左右故十二閑也六種者種馬戎馬齊馬道馬田馬駑馬

春祭馬祖執駒夏祭先牧頒焉攻特秋祭馬社臧

冬祭馬步獻馬講馭夫

秋官三典

大司寇之職掌建邦之三典以佐王刑邦國詰四方
一曰刑新國用輕典二曰刑平國用中典三曰刑亂
國用重典

五刑

一曰野刑上功糾力二曰軍刑上命糾守三曰鄉刑
上德糾孝四曰官刑上能糾職五曰國刑上願糾恭
小司寇外司寇三詢

小司寇之職掌外朝之政以致萬民而詢焉一曰詢國危二曰詢國遷三曰詢立君

五聽

一曰辭聽二曰色聽三曰氣聽四曰耳聽五曰目聽

八辟

一曰議親之辟二曰議故之辟三曰議賢之辟四曰議能之辟五曰議功之辟六曰議貴之辟七曰議勤之辟八曰議貧之辟

士師掌五禁

士師之職掌國之五禁之法以左右刑罰一曰宮禁
二曰官禁三曰國禁四曰野禁五曰軍禁

五戒

一曰誓用之于軍旅二曰誥用之于會同三曰禁用
諸田役四曰糾用諸國中五曰憲用諸都鄙

八成

一曰邦約二曰邦賦三曰邦諜四曰犯邦令五曰橋
邦令六曰為邦盜七曰為邦朋八曰為邦誣

司刑掌五刑之法以麗萬民之罪

墨罪五百劓罪五百宮罪五百剕罪五百殺罪五百

司刺掌三刺三宥三赦之法

司刺掌三刺三宥三赦之法以贊司寇聽獄訟一刺曰訊群臣再刺曰訊群吏三刺曰訊萬民一宥曰不識再宥曰過失三宥曰遺忘一赦曰弱幼再赦曰老旄三赦曰憊愚以此三法者求民情斷民中而施上服下服之罪然後刑殺

司約六約

司約掌邦國及萬民之約刺諸帥之約為士治民之

約次之治地之約次之治功之約次之治器之約次
之治藝之約次之凡大約劑書于宗彝小約劑書于
冊圖

冬官辨五地之物生

大司空之職以土會之法辨五地之物生一曰山林
其動物宜毛物其植物宜皂物其民毛而方二曰川
澤其動物宜鱗物其植物宜膏物其民黑而津三曰
丘陵其動物宜羽物其植物宜覈物其民專而長四
曰墳衍其動物宜介物其植物宜莢物其民哲而瘠

五曰原隰其動物宜羸物其植物宜叢物其民豐而
而瘡

荒政有十二

一曰散利二曰薄征三曰緩刑四曰弛役五曰舍禁
六曰去幾七曰青禮八曰殺哀九曰蕃樂十曰多昏
十一曰索鬼神十有二曰除盜賊

令五家為比使之相保五比為閭使之相受四閭為
族使之相葬五族為黨使之相救五黨為州使之相
賙五州為鄉使之相賓

頒職事十有二

一曰稼穡二曰樹藝三曰作材四曰阜蕃五曰飾材
六曰道材七曰化財八曰歛財九曰生財十曰學藝
十有一曰世事十有二曰服事

職方氏辨九州之圖

東南曰揚州其山鎮曰會稽其澤藪曰具區其川三
江其浸五湖其利金錫竹箭其民二男五女其畜宜
鳥獸其穀宜稻正南曰荊州其山鎮曰衡山其澤藪
曰雲夢其川江漢其浸潁湛其利丹銀齒革其民一

男二女其畜宜鳥獸其穀宜稻河南曰豫州其山鎮
曰華山其澤藪曰圃田其川滎雒其浸波澨其利林
漆絲臬其民二男三女其畜宜六擾其穀宜五種正
東曰青州其山鎮曰沂山其澤藪曰諸其川淮泗
其浸沂沐其利蒲魚其民二男三女其畜宜雞狗其
穀宜稻麥河東曰兗州其山鎮曰岱山其澤藪曰大
野其川河沛其浸盧維其利蒲魚其民二男三女其
畜宜六擾其穀宜四種正西曰雍州其山鎮曰嶽山
其澤藪曰弦浦其川涇汭其浸渭洛其利玉石其民

三男二女其畜宜牛馬其穀宜黍稷東北曰幽州其
山鎮曰醫無閭其澤藪曰獫狁其川河滹其浸菑時
其利魚鹽其民一男三女其畜宜四擾其穀宜三種
河內曰冀州其山鎮曰霍山其澤藪曰楊紆其川漳
其浸汾潞其利松柏其民五男三女其畜宜牛羊其
穀宜黍稷正北曰并州其山鎮曰恒山其澤藪曰昭
餘祁其川庫池嘔夷其浸沫易其利布帛其民二男
三女其畜宜五擾其穀宜五種

天子之六府

曰司土司木司水司草司器司貨典司六職

天子之六工

曰土工金工石工木工獸工草工典制六材

祭宗廟之禮二十一物

牛曰一元大武豕曰剛鬣豚曰暱肥羊曰柔毛雞曰
翰音犬曰羹獻雉曰䟽趾兔曰明視脯曰尹祭橐魚
曰商祭鮮魚曰脰祭水曰清滌酒曰清酌黍曰薌合
梁曰薌其稷曰明粢稻曰嘉䟽韭曰豐本鹽曰鹹醢
玉曰嘉玉幣曰量幣

天子諸侯無事則歲三田

一為乾豆二為賓豆三為充君之庖

廟制五等

天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢

五社

王為群姓立社曰大社王自為立社曰王社諸侯為
省姓立社曰國社諸侯自為立社曰侯社大夫以下

成群立社曰置社

祀制

王七祀曰司命曰中霤曰國門曰國行曰泰厲曰戶
曰竈諸侯五祀曰司命曰中霤曰國門曰國行曰公
厲大夫三祀曰族厲曰門曰行適士二祀曰門曰行
士庶人一祀或立戶或立竈

王下祭殤五

適子適孫適皇孫適玄孫適來孫諸侯祭三大夫下
祭二適士及庶人祭子而止

二函

梁王詔公車府置謗木肺石二函若肉食莫言欲有
橫議投謗木函若有功勞才器寃沉莫達者投肺石
函

八貢

任農以耕事貢九穀任圃以樹事貢草木任工以飭
材事貢器物任商以市事貢貨賄任牧以畜事貢鳥
獸任嬪以女事貢布帛任衡以山事貢其物任虞以
澤事貢其物

七屬

文王官人乃任七屬一曰國則任賢二曰鄉則任正
三曰官則任長四曰學則任師五曰族則任宗六曰
家則任王七曰先則任賢

大司樂六樂

奏黃鍾歌大呂舞雲門以祀天神奏六舞歌應鍾舞
咸池以祭地祇奏姑洗歌南呂舞大韶以祀四望奏
蕤賓歌函鍾舞大夏以祭山川奏夷則歌小呂舞大
濩以享先妣奏無射歌夾鍾舞大武以享先祖

鍾師奏九夏

鍾師掌金奏凡樂事以鍾鼓奏九夏王夏肆夏昭夏
納夏章夏齊夏族夏械夏鼙夏

鼓人掌教六鼓四金之音聲以節聲樂

以雷鼓鼓神祀以靈鼓鼓社祭以路鼓鼓鬼享以鼉
鼓鼓軍事以鞀鼓鼓役事以晉鼓鼓金奏以金鐸和
鼓以金錫節鼓以金鐃止鼓以金鐸通鼓

治體部

五教

祀乎明堂以教諸侯之孝食三老五更於太學以教諸侯之弟祀先賢於西學以教諸侯之德耕籍以教諸侯之養朝覲以教諸侯之臣

進御法

女御八十一人當九夕世婦二十七人當三夕九嬪九人當一夕三夫人當一夕后當一夕

養老之禮四

養三老五更一也子孫死於國事養其祖父二也暴致仕之老三也養庶人之老四也

禮制部

祀天三禮

吉禮以禋祀祀昊天上帝以實柴祀日月星辰以粢
粢祀司中司命風伯雨師

祭地三禮

以血祭祭社稷五祀五岳以豕沉祭山林川澤以蠃
辜祭四方百物

社稷二祀

勾龍氏平水土故祀以為社一曰后土周棄播殖百

穀以稷百穀之長因以稷明其神

明堂五室

水室處東北曰青陽火室處東南曰明堂金室西南
曰總章水室西北曰玄堂土室中央曰太室明堂議
曰一堂五室四門八階

五代明堂

黃帝時曰合宮有虞曰總章夏后曰世室商曰陽館
又曰重屋周曰明堂

歷代所尚五色

女媧尚白神農尚赤黃帝少昊尚白高陽尚赤高辛尚黑陶唐尚白有虞尚赤所尚自太昊始

四代服冕

有虞氏皇而祭深衣而養老夏后氏收而祭燕衣而養老殷人皐而祭縞衣而養老周人冕而祭玄衣而養老凡三王養老皆引年

王門有五

曰臯曰庫曰雉曰應曰路

三讓

一曰禮讓二曰固讓三曰終讓

三雍

辟雍明堂靈臺

三禮

燕禮饗禮食禮有虞氏燕禮二燕同姓燕異姓夏后氏饗禮四諸侯來朝親戚及諸侯之臣來聘戎狄之君使來享宿衛及孤子耆老殷人食禮二公食大夫曰禮食臣下與賓客共食曰燕食周人兼用三者春夏用燕饗禮秋冬用食禮

大明集禮五禮

吉禮十有四祭天祭地朝日夕月祭先農祭風雲雷
雨師嶽鎮海瀆山川城隍三皇孔子馬祖先牧馬步
馬社祀典神祇嘉禮五朝會冊拜冠婚鄉飲酒禮賓
禮二朝貢遣使軍禮三禮征遣將大將凶禮二吊賻
喪儀

九摯

天子饗諸侯圭卿羔大夫鴈士雉庶人之摯匹童子
委摯而退野外軍中無摯以纓拾矢可也婦人之摯

相榛脯脩棗栗

六制三制

上之逮下其制有六一日制二曰教三曰冊四曰令
五曰教六曰符上之逮下其制有三一日關二曰刺
三曰宜

冠禮三加

始加緇布冠再加皮弁次加爵弁

著代二

冠則子有代父之義婚則婦有代姑之義

三殤

八歲至十一為下殤其祭終父母之身十二至十五為中殤其祭終兄弟之身十六至十九為長殤其祭終兄弟之子之身

四時祭

大夫牲用羔士牲特豚庶人無常牲春薦韭以卵夏薦麥以魚秋薦黍以豚冬薦稻以鴈

八蜡

蜡諸索也歲十二月合聚萬物而索享之也一先農

二司留三農四郵表毀五貓虎六坊七水庸八星蟲

四代養老

有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠虞庠在國之西郊

鄉飲之義象五

賓主象天地也介僎象陰陽也三賓象三光也讓之三象月之三日而成魄也四面之坐象四時也

八矢

枉矢絜矢利矢射用諸守城車戰殺矢鏃矢用諸近
射田獵矰矢第矢用諸弋射恒矢痺矢用諸散射散
射矰弩各有四在上者屬矰在下者屬弩

樂律部

八闕

葛天氏之樂使三人操牛尾投足以歌八闕一曰載
民二曰玄鳥三曰遂草木四曰奮五穀五曰謹天常
六曰達帝功七曰依地德八曰總萬物之極

六代之樂

黃帝樂名咸池堯樂謂之大章舜曰韶禹曰夏湯曰大濩武王曰大武

武六成

自武始而北出再成而滅商三成而南四成而南國是彊五成而分周公左召公右六成復綴以崇天子

大明集禮九樂

本太初仰大明民初生品物亨御六龍太階平君德成聖道成樂清寧

六律六呂

陽聲謂之六律黃鍾子太簇寅姑洗辰巽賓午夷則申無射戌也陰聲謂之六呂大呂丑應鍾亥南呂酉林鍾未仲呂巳夾鍾卯也

五聲之象

宮屬土絃用八十一絲為最多而聲至濁於五聲獨尊故為君象商屬金絃用七十二絲聲次濁故次於君而為臣象角屬木絃用六十四絲聲半清半濁居五聲之中故次於臣而為民象徵屬火絃用五十四

絲其聲清有民而後有事故為事象羽屬水絃用四十八絲為最少而聲至清有事而後用物故為物象此其大小之次也

八音所失

楊傑曰金聲春容失之則重石聲溫潤失之則輕土聲亟故失之則下竹聲清越失之則高絲聲纖微失之則細革聲隆大失之則洪匏聲崇聚失之則長木聲無餘失之則短人稟中和之氣有中和之聲足以權量八音

掌中宇宙卷之七

山東兗州府推官汝陰盧翰輯

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

列職篇

官秩部

左右九棘

左九棘公卿大夫位右九棘公侯伯子男位

四士

命鄉論秀士升之司徒曰選士司徒論選士之秀者而升之學曰俊士升於司徒者不征於鄉升於學者不征於司徒曰造士大樂正論造士之秀者以告於王而升諸司馬曰進士

九卿

東漢百官志謂之九卿者奉常一也元祿二也衛尉三也太僕四也鴻臚五也少府司農宗正廷尉合而九漢唐之九寺即周之六官也

六曹

漢成帝初置尚書四人分四曹常侍曹主公卿事二千石曹主郡國二千石事民曹主吏民上書事客曹主外國夷狄事世祖分二千石曹又分客曹為南北主客曹

六察

唐志監察御史十五人其一察官人善惡其二察戶口流散其三察農桑不勤其四察妖滑賊盜其五察德行孝弟其六察墨吏豪宗大曆中以御史分察尚

書省六司第一人察吏部禮部第二人察兵部工部
第三人察戶部刑部歲終議殿最號六察

十六衛

唐志八衛曰左右衛曰驍衛曰武衛曰威衛曰領軍
曰金吾曰監門曰千牛此八衛各有左右故曰十六
衛也

三省

三省之職起於秦漢三省之任重矣東都魏晉以尚
書省統天下之務中書省總機要之司門下省尚書

納之命則唐與宋朝也

四部書

薛稷知集庫馬懷素知經庫沈佺期知史庫武平一知子庫通謂之四部書

名臣部

燧皇四佐

明由曉升級級等差政所先後也必育受稅俗受賦稅及徭役所宜施為也成博受古諸諸候職等也隕丘受延嬉延長嬉興也主受此錄也

伏羲六佐

金提主化倂為民除害也鳥明主建福福利民也視
默主災惡為民除災惡也紀通為中職為田主主內
職仲起為海陸主平地兼統海也陽侯為江海王江
海事一作江湖

伏羲龍官六

命朱襄為飛龍氏造書契吳英為潛龍氏造甲曆大
庭為居龍氏治屋廬渾沌為降龍氏驅民害陰康為
土龍氏治田里栗陸為水龍氏繁滋草木疏導泉源

黃帝七輔

風后受金法言能決理是非也天老受天籙籙天教金也五聖受道級級次序也知金受糾俗糾正也窺紀受變復有禍變能補復也地典受州絡絡維絡也力墨受準斤準斤凡事也力墨或作力牧

黃帝得六相而天地治

得

明

故為當時明
常察地理故為稟者

得

故為士師

融辨南方故為司徒

得

風后辨西方

馬得后土辨北方

故為李

黃帝命二十一臣

命大撓探五行占斗綱作甲子命容成作蓋天以象
周天之形問鬼臾區以作調曆命隸首作筭數命伶
倫造律呂命榮援鑄十二鍾協月箏以和五音命大
容作咸池之樂命車區占星氣命甯封為陶正赤將
為木正以利器用命共鼓化狶剡木為舟剡木為楫
以濟不通邑夷法斗魁杓以携龍角咨岐伯而作內
經命俞跗岐伯雷公究明堂察息脉巫彭桐君處方

解命元妃西陵氏教民競作車少皞加牛奚仲加馬
十聖之師

黃帝師風后顓頊師老彭帝嚳師祝融堯師務成昭
舜師紀后禹師墨如湯師伊尹文武師姜尚周公師
庶秀孔子師老聃或曰黃帝師力牧顓頊師樛皞帝
嚳師赤松子

顓頊命二正

南正重司天以屬神北正黎司地以屬民

少昊四叔

重該修熙

八伯

伯夷為陽伯樂舞侏離歌曰招陽羲仲之後為羲伯
樂舞瞽執歌曰南陽棄為夏伯樂舞漫執歌曰祈慮
羲叔之後為羲伯樂舞將陽歌曰朱華咎繇為秋伯
樂舞蔡叔歌曰零落和仲之後為和伯樂舞來詳歌
曰歸來垂為冬伯樂舞丹鳳一曰齊樂歌曰齊樂一
門縵

舜舉十六相

蒼舒隲數禱戲大臨龍降庭堅仲容叔達此高氏才
子八人齊聖廣淵明允篤誠天下謂之八凱伯奮仲
堪叔獻季仲伯虎仲熊叔豹季羆此高辛氏才子八
人忠肅恭懿宣慈惠和天下謂之八元

舜七友

雄陶方回績矛角陽東不訾或云不識秦不虛或云
不空靈甫並為歷山雷澤之遊

有窮后羿棄四賢臣

武羅伯桐熊髡圉

湯七佐

虞誦伊尹皇里且東門虛南門濡西門庇北門則湯得七人以佐天下

鄭七穆

子展賦草蟲子罕子也子西賦黍苗子駟子也子產賦濕桑子國子也公孫段賦桑扈子豐子也伯有賦鶉之賁賁子良孫子耳子也子太叔賦野有蔓草子游孫子矯子也印段賦蟋蟀子印孫子張子也鄭緌公子十有一人罕駟豐印遊國良七人子孫並有才

名世仕鄭國之政以免晉楚之難謂之七穆

五王之相

秦公牙吳班孫尤大夫冉賛公子麋尹子曰古有五王之相迺謂之王其貴之也

漢世得人之盛凡二十六

儒雅則董仲舒公孫弘兒寬篤行則石建石慶質直汲黯推賢則韓安國鄭當時定令則趙禹張湯文章則司馬遷相如滑稽則東方朔枚臯應對則嚴助朱買臣曆數則唐都洛下閎叶律則李延年運籌則桑

弘羊奉使則張騫蘇武將帥則衛青霍去病受遺則
霍光金日磾

麒麟閣功臣凡十一

博陸侯霍氏其次張安世韓增趙充國魏相丙吉杜
延年劉德梁丘賀蕭望之蘇武皆有功德知名當世
宣帝圖象於閣

五經博士十五人

施雠孟嘉梁丘賀京房歐陽生夏侯建韓嬰齊后蒼
夏侯勝毛萇戴德戴勝魯申公嚴彭祖顏安樂

三達

大鴻臚常孟達上黨太守公孫伯達河陽長魏仲達
扶風平陵人同時齊名世號三達孟達名彪丞相賢
五世孫明帝時人

八使

光祿大夫周舉光祿大夫杜喬光祿大夫周栩尚書
樂巴青州刺史馮羨兗州刺史郭遵太尉長史劉班
侍御史張綱漢順帝時政在權官官以賄成舉等議
遣八使循行風俗同日俱發天下號曰八使

魏文帝四友

晉宣帝河南司馬懿字仲達魏司空潁川陳群字長文
中領軍譙朱鑠字彥才侍中濟陰吳質字季重

弘文館六人

弘文館學士六人蔡允恭虞世南蕭德衍褚亮歐陽
詢姚思廉

瀛洲十八學士

杜如晦房玄齡虞世南褚亮姚思廉李玄道蔡允恭
薛元敬顏相時蘇勗于志寧蘇世長薛收李守素陸

德明孔頴達蓋文達許敬宗世以開館於宮西延四方文學之士與選者時人謂之五瀛洲

凌煙閣功臣二十四人

趙公長孫無忌趙郡元王孝恭萊成公杜如晦鄭文真公魏徵梁公房玄齡申公高士庶鄂公尉遲敬德衛公李靖宋公蕭瑀褒忠壯公段志玄夔公劉弘基蔣忠公屈突通鄭公殷開山熊襄公柴紹邛襄公長孫順德鄭公張亮陳公侯君集郊襄公張公謹盧公程知節永興文懿公虞世南譙襄公劉政會呂公

唐儉英公李世勣胡壯公秦叔寶等圖畫於凌煙閣
象二十四氣以佐天

開元賢相八人

姚崇尚通宋璟尚法張嘉貞尚吏張說尚文李元絃
杜暹尚儉韓休張九齡尚直各有所長也

含象亭十八學士

張說徐堅李述趙鼎賀知章趙曦馮德選庾子元侯
行果毋昭張會貞咸異宣李子訓東方顯陸玄太孫
季良金欽呂向唐玄宗圖象含象亭

景靈宮功臣一十六人

趙普曹彬薛居正石熙載潘美李沆王旦王曾李繼隆呂夷簡曹瑋韓琦富弼曾公亮司馬光韓忠彥宋高宗圖像配享景靈宮

昭勲崇德閣二十四人

趙普曹彬薛居正石熙載潘美李沆王旦李繼隆王曾呂夷簡曹瑋韓琦曾公亮富弼司馬光韓忠彥呂頤浩趙鼎韓世忠張俊陳康伯史浩葛邲後益以趙汝愚凡二十四人皆圖形其上

金華四先生

青田劉基龍泉葉琛浦江宋濂義烏王禕

遜國死難諸臣

胥事死者五人付郎張昂都指揮謝貴都指揮彭二
長史葛誠護衛指揮盧振諫死者一人伴讀俞逢辰
力戰死者十人都指揮王德是智莊得孫秦越雋侯
俞通淵指揮宋瑄鎮撫使向徐讓縣丞衛健都
指揮皂旗張守城死者十人付郎陳植都指揮陳
賁馬宣朱鑑宋忠彭聚余填都督楊松御史王彬

揮崇剛知府姚善知府蔡運知縣鄭恕知縣向朴主簿唐子清吏目鄭萃典史黃謙鎮撫曾濬主事樊仕信逮而論死者五十人文學博士方孝孺尚書陳迪尚書鐵鉉尚書暴昭尚書齊泰太常卿黃子澄御史大夫練子寧尚書侯泰侍郎卓敬侍郎胡子昭侍郎郭仕侍郎盧迥侍郎黃魁都御史茅大方都御史周璘都御史司中寺丞彭與民少卿胡閔少卿盧原質給事中陳繼之給事中韓永左拾遺戴德彛御史高翔御史王度御史甘霖御史謝昇御史葉希賢御史

董庸御史王玘主事巨敬經歷宋徵博士黃彥清按察使李文敏僉事湯宗知府葉惠仲知府陳彥回長史程通駙馬耿璿都督僉事耿璿指揮張倫指揮王資千戶倪諒鎮撫周拱元教授陳思賢生負伍性原生負陳應宗生負林珏生負鄒君然生負曾廷瑞生負呂賢繫獄死者一人魏國公徐輝祖坐黨死者七人寺丞劉瑞寺丞王高御史鄭公智叅政鄭居真僉事林嘉猷知府黃希范都督廖鏞自盡死者二十四人侍中黃觀太常卿廖昇修撰王叔英紀善周是修

按察使王良知縣顏伯瑋都御史陳性善編修王良
大理丞鄒瑾御史魏冕御史曾鳳韶給事中龔泰給
事中黃鉞斷事高巍中書何申副使程本立教諭王
省長史劉璟駙馬梅殷欒城侯李堅舉人劉政梁良
用牛景先儲福事後圖報死者一人御史大夫景清
一百一十有八人

選直文淵閣七人

解縉楊士奇楊榮胡廣金_知黃淮楊漣

天定奇功三人

弘治壬子科浙江棘闈聞空中語曰三人好做作後宸濠之變胡尚書世寧豫發其奸孫中丞燧死其事王新建守仁靖其難三公皆壬子榜中士也

孝廟顧命三大臣

劉健謝遷李東陽

三元名臣二人

許觀商輅

循吏部

三不欺

子產治鄭民不能欺子賤治單父民不忍欺西門豹
為鄴令民不敢欺

子路三善

子路治蒲三年孔子過之曰善哉由乎忠信以寬矣至其庭曰善哉由
入其邑曰善哉由乎忠信以寬矣至其庭曰善哉由
乎明察以斷矣

漢世良吏十人

王成黃霸朱邑龔遂召信臣趙廣漢韓延壽尹翁歸
嚴延年張敞皆稱其位所居民富所去見思生有榮

號死有奉祀

魯恭三異

魯恭為中牟令府掾來按見翟雉馴于桑下童子不
捕問之曰雉方將雛掾曰本來考君界有無蝗蚘耳
今蝗不犯境一異也化及鳥獸二異也豎子有仁心
三異也

劉寵一錢

劉寵為會稽守被徵山陰五更龐眉皓首人賫百錢
送寵曰自明府來徇不夜吠人不識吏寵各選一大

錢受之

烏化雙鳬

王喬顯宗時樂令每朔望朝所忤來數於此史伺之言臨至有雙鳬飛來于是張羅得雙鳬乃所賜尚書
履也

五精四新

趙光武郡太守民服其德其德不替不替人民安
靖曾無所不遂其

穎川四新

漢書卷之八
高帝長鍾皓而林慮長陳寔為
之信篤誠使人不敢並以德政稱
聖人明之類也

初九

漢初長鍾皓而王密懷金以遺之曰暮夜無知震曰
天知地知子知我知何謂無知

民歌二馮

漢書卷之八
徙西河上郡太守治行畧與馮野王相
似漢書卷之八
徙西河上郡太守治行畧與馮野王相
徙西河上郡太守治行畧與馮野王相

聰明賢智思惠民政如魯衛德化均周公康叔猶二君

三惠見思

孫楚為梁令民歌之曰我有寇盜惟侯屏之我有田疇惟侯闢之我有訟獄惟侯平之凡此三惠如何弗思

二傳一丘

丘仲孚為山陰令百姓謠曰二傳沈劉不如一丘蓋傳琰父僧綽沈憲劉元明相繼宰山陰並有政績而

事
仲孚尤過之云

太守六條

蘇綽為太守政務六條曰定心志敦教化畫地利擢
賢良恤獄訟均賦役

手植雙檜

寇萊公準知巴東縣手植雙檜于亭民以此甘棠謂
之萊公檜

關中三傑

朱光庭調萬年主簿邑人謂之明鏡時程伯淳主

縣簿張山甫主武功簿皆以才名稱關中三傑

一琴一鶴

趙清獻公忤任成都携一琴一鶴以行

一硯不持

包孝肅公忤為端州守每歲貢硯前守輒多取以遺
權貴公命製者纔足貢數歲滿一硯不持歸

鼎貴部

一門貴盛

鄧禹東漢人子孫為侯二十九人公二人大將軍以

下十三人中二千石十四人列侯二十二人州牧郡
守四十八人侍中將大夫郎謁者不可勝數

荀氏八龍

荀儉字伯慈漢侍中悅之父儉弟鯤濟南相漢光祿
大夫或之父鯤弟靖字叔慈太尉辟不就靖弟壽字
慈光舉孝廉壽弟汪字孟慈見陽令汪弟爽字慈明
公車徵為平原相遷光祿勳司空出自巖穀九十三
日遂登台司爽弟肅字敬慈守舞陽令肅弟勇字劬
慈司徒掾此朗陵令潁川季和之八子並有德業

人號之八龍居西豪里渤海宛康知名士也時為潁陰令美之曰高隄氏才子八人遂改所居為高陽里

陳氏三君

太丘長潁川陳寔字仲弓寔子太鴻臚紀字元方紀弟司空掾諡字季方並以高名號曰三君

三葉宰相四世太尉

漢楊震震子秉秉子賜賜子彪自震至賜三葉為宰相自震至彪四世為太尉

袁氏四世五公

袁安字邵公以太僕為司空遷司徒安子敞字叔平
以光祿勳為司空敞子湯字仲河以太僕為司空遷
司徒湯子逢字周陽以比騎校尉為司空逢弟隗字
次陽以太常為司空太尉

七世通顯

漢中興初有應姬生四子而寡見神光照社探之得
黃金自是諸子宦學並有才名應順子壘壘子彬彬
子奉奉子邵邵子郇郇子瑒七世通顯

河東八裴

裴徽字文秀魏冀州刺史裴楷字叔則徽第三子晉
光祿大夫裴緯字季舒楷弟長水校尉裴瓚字國寶
楷子中書郎裴邈字景初楷孫欽子太傅左司馬裴
遐字叔道瓚子太傅主簿裴康字仲豫徽第二子太
子左率裴頠字逸民楷孫季子晉尚書僕射

卿卿八王

王祥字休徵晉太保王戎字濤仲父渾涼州刺史祥
族子司徒王澄字平子衍弟裴緯女壻荊州刺史王
遵字茂弘覽孫裁子敦從弟丞相王綏字萬子戎子

裴康女婿王衍字夷甫父义平北將軍戎從弟太尉
王敦字處仲覽孫基第二子大將軍王玄字眉子衍
子陳晋内史

五世盛德

魏司空王昶字文舒昝子汝南太守湛字處冲湛子
東海内史承字安期承子驃騎將軍述字懷祖述子
安北將軍坦之字文度世號太原王魏尚書僕射杜
畿字伯侯畿子幽州刺史恕字務伯恕子鎮南將軍
預字元凱預子散騎常侍錫字世嘏錫子光禄大

父字弘治世號京兆杜各稱五世盛德

韋氏三君

平與令韋順字叔文歷位樂平相去官以琴書自娛
不應三公之命後為平與令吏民立祠社中順弟武
陽令豹字季明友人羅陵犍為縣丞卒官喪柩流離
豹棄官致喪歸比辟公府輒棄去司徒劉愷尤敬之
豹弟廣都長義字季節少好學不求榮利四十乃仕
三為令長皆有惠化以光喪去官比辟公府不就廣
都為立生祠焉此清河太守韋文高之三子皆以學

行知名時人號常氏三君

驗四子相

呂文靖公生四子公弼公著公奭公孺皆少將驗誰
作相夫人使小鬟繫四寶器貯茶至門故碎之三子
驚告獨公著如故公以是知之元祐中果大拜